



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Sancti Hieronymi Stridonensis, Sanctae Romanae Ecclesiae Presbyteri Cardinalis Epistolae In Tres Libros distributae**

**Hieronymus, Sophronius Eusebius**

**Coloniae Agrippinae, 1674**

XXIV. [i.e. XXII.] Ad Heliodorum. Grandes materias.

**urn:nbn:de:hbz:466:1-37862**

cepit schedulas flagitare, urgere notarios, & hinc  
 nitu ferventis equi, ingenioli mei festinus argue-  
 re tarditatem. Memento igitur nostri, & cura, ut  
 in Christo valeas. Atque ut cætera taceam, do-  
 mellica sanctæ Veræ exempla sectare, quæ verè  
 sequuta Christum, peregrinationis molestias sus-  
 tinet, & sit tibi tanti dux femina facti. Tribuat *Eccl. 32*  
 tibi Christus, ut audias, ut taceas, ut intelligas, &  
 sic loquaris. Amen.

XXIV. Hieronymus Heliodoro Episcopo, quem con-  
 solatur moerentem super morte nepotis ejus & pres-  
 byteri Nepotiani. Multa qua ad consolandum  
 amicum spectant, adferens.

Grandes materias, ingenia parva non susti-  
 nent, & in ipso conata ultra vires ausa, suc-  
 cumbunt, quantoque majus fuerit, quod dicen-  
 dum est, tanto magis obruitur, qui magnitudinem  
 rei verbis non potest explicare. Nepotianus  
 meus, tuus, noster, imò Christi: & qui Christi, id-  
 circo plus noster, reliquit nos senes, & desiderij  
 sui jaculo vulneratos, & intolerabili dolore con-  
 fectos. Quem hæredem putavimus, funus tene-  
 mus. Cui jam meum sudabit ingenium? Cui li-  
 terula placere gestient: ubi ille *epyclyptus* no-  
 ster, & cygneo canore vox dulcior? Stupet ani-  
 mus, manus tremat, caligant oculi, lingua balbu-  
 tit. Quicquid dixerò, quia ille non audit, mutum  
 videtur. Stylus ipse quasi dissentiens, & cera sub-  
 tristior, ubi rubigine vel situ obducitur. Quoties-  
 cunque nitior in verba prorumpere, & super tu-  
 mulum ejus, epitaphij hujus flores spargere, to-  
 ties

*Hoc est  
 Operis  
 exaltor.*

tes implentur oculi, & renovato dolore totus  
 funere sum. Moris quondam fuit, ut super cae-  
 vera parentum defunctorum in concione pro-  
 stris laudes liberi dicerent, & instar lugubris  
 carminum ad fletus & gemitus audientium re-  
 citorum concitarent. Et reum in nobis ordo mor-  
 tus est, & in calamitate nostram perdidit sua  
 ra natura: quod exhibere senibus juvenis debuit,  
 hoc juveni exhibemus senes. Quid igitur faciamus

*Christiana  
 ne dormi-  
 re possit,  
 uo mori.*

Jungam tecum lacrymas? Sed Apostolus prohibet,  
 Christianorum mortuos, dormientes vocans.  
 Et Dominus in Evangelio: Non est, inquit,  
 mortua puella, sed dormit. Lazarus quocirca  
 quia dormierat, suscitatus est, Lazarus & gaudet  
 quia raptus est, ne malitia mentem ejus mutaret,  
 quia placuerat Deo anima illius? Sed invito

*Sap. 4.*

repugnanti per genas lacrymae fluunt, & inter  
 praecpta virtutum resurrectionisque spem, crudeliam  
 mentem desiderij frangit affectus. O mors, quae  
 fratres dividis, & amore sociatos crudeliter  
 dura dissocias! Qui per Osee quondam tibi ter-  
 ridus minabatur: Ero mortua, o mors: ero mor-  
 tus tuus inferne: illius morte tu mortua es: illius  
 morte nos vivimus. Devorasti, & devorata es.

*Osee 13.  
 Mors à  
 Christo  
 occisa.*

Dumque assumpti corporis sollicitaris illecebri-  
 & avidis faucibus praedam putas: interiora tua  
 ad unco dente confossa sunt. Gratias tibi Christus  
 Salvator tua agimus creatura, quod tam potentem  
 adversarium nostrum, dum occideris, occidisti.

*Mors ante  
 te Chri-  
 stum mi-  
 sera.  
 Rom. 5.*

Quid ante miserius homine? qui aeterni  
 mortis terrore prostratus, vivendi sensum ad hoc  
 tantum acceperat ut periret. Regnavit enim  
 ab Adam usque ad Moysen, etiam in eos qui non

peccaverunt in similitudinem prævaricationis  
 Adæ. Si Abraham Isaac, & Jacob in inferno, quis  
 in cælorum regno? Adde quòd ante resurrectio-  
 nem Christi notus tantum in Judæa erat Deus, in *Ps. 75.*  
 Israël magnum nomen ejus: & ipsi, qui noverant  
 eum, tamen ad inferos trahebantur. Ubi tunc  
 totius orbis homines ab India usque ad Bri-  
 tanniam, à rigida septentrionis plaga usque ad  
 fervores Athlanticæ oceani, tam innumerabiles  
 populi, & tantarum gentium multitudines?  
 Quàm variæ linguis habitu, tam vestibus & ar-  
 mis, pitcium ritu & locustarum, & velut muscæ &  
 culices conterebantur. **Ab** **que** notitia enim  
 Creatoris sui, omnis homo pecus est. Nunc verò  
 passionem Christi & resurrectionem ejus cuncta-  
 rum gentium & voces & literæ sonant. Taceo de  
 Hebræis, Græcis, & Latinis, quas nationes fidei *Joan. 19.*  
 suæ in Crucis titulo Dominus dedicavit. Immor- *De ani-*  
 talem animam & post dissolutionem corporis sub- *ma. mo-*  
 sistentem, quod Pythagoras somniavit. Demo- *morali-*  
 critus non credidit in consolationem damnatio- *nate ante*  
 nis suæ; Socrates disputavit in carcere: Indus, *Christum*  
 Perla, Gotthus, Ægyptius philosophantur. Bes- *incerta*  
 sorum feritas, & pellitorum turba populorum, qui *sententia.*  
 mortuos quondam inferis homines immolabant,  
 stridorem suum in dulce Crucis fregerunt melos,  
 & totius mundi una vox Christus est. Quid agi-  
 mus anima? quo nos vertimus? quid primum  
 assumimus? quid tacemus? Exciderunt ne tibi  
 præcepta rhetorum? & occupata luctu, oppressa  
 lacrymis, præpedita singultibus, dicendi ordinem  
 non tenes? Ubi illud ab infantia studium litera-  
 rum, & Anaxagoræ ac Telamonis semper lauda-

*Philoso-  
phorum  
consolati-  
onem scri-  
pta,*

*Exempla  
philoso-  
phorum  
se in lu-  
ctu con-  
solati-  
um.  
Exempla  
Romano-  
rum,*

*\*Cajos.*

*De con-  
solatione  
Christia-*

ta sententia: *SCIRE* B A M me genuisse mortales  
Legimus Crantorem, cujus volumen ad con-  
vendum dolorem suum sequutus est Cicero  
tonis, Diogenis, Clitomachi, Carneadis, Pe-  
donij ad sedandos luctus opuscula percutamus  
qui diversis ætatibus diversorum luctum vel  
bris, vel epistolis imminuere sunt cotti, ut et  
si nostrum areret ingenium, de illorum posset  
tibus irrigari. Proponunt innumerabiles vi-  
ac maxime Periclem ac Xenophontem Socrate-  
cum: quorum alter amissis duobus filijs coronatus  
in concione differuit: alter cum sacrificans filium  
in bello audisset occisum, deponens coronam de-  
citur, & eandem capiti reposuisse postquam forti-  
ter in acie dimicantem reperit concidisse. Quo-  
memorem Romanos duces, quorum virtutibus  
quasi quibusdam stellis, Latine micant historia  
Pulvillus capitolium dedicans, mortuum, ut nati-  
tiabatur, filium subito se iussit absente sepe-  
L. Paulus septem diebus inter duorum exequijs  
filiorum triumphans urbem ingressus est. Præte-  
mitto Maximos, Catones, Gallos, \* Pisones,  
Brutos Scævolas, Metellos, Scauros, Marios,  
Crassos, Marcellos, atque Aufidios: quorum non  
minor in luctu, quam in bellis virtus fuit, & quo-  
rum orbitates in consolationis libro Tullius ex-  
plicavit: ne videar potius aliena, quam nostra  
quæsisse. Quanquam & hæc in suggillationem  
nostri breviter dicta sint, si non præstet fides quod  
exhibuit infidelitas.

Igitur ad nostra veniamus. Quicquid de scri-  
pturis super lamentatione dici potest, in eo libro  
quo Paulam Romæ consolati sumus, breviter ex-  
pli

plicavimus. Nunc nobis per aliam semitam ad  
 eundem locum perveniendum est, ne videamur  
 praecepta & abelita quondam calcare vestigia.  
 Scimus quidem Nepotianum nostrum esse cum  
 Christo, & sanctorum mixtum choris: quod hic  
 nobiscum eminus rimabatur in terris, & asti-  
 matione quærebat, ibi videntem cominus dicere:  
 Sicut audivimus, sic & vidimus, in civitate Dei  
 nostri. Sed desiderium absentia ejus ferre non  
 possumus: non illius, sed nostram vicem dolentes.  
 Quânto ille felicior, tanto amplius nos indolere,  
 quod tati caremus bono. Flebant & sorores La-  
 zarum, quem resurrecturum noverant. Et ut ve-  
 ros hominis exprimeret affectus, ipse Salvator  
 ploravit quem resuscitaturus erat. Apostelus  
 quoque ejus, qui dixit: Cupio dissolvi, & esse cum  
 Christo. Et alibi: Mihi vivere Christus est, & mor-  
 ti lucrum, gratias agit, quod Epaphras de mortis  
 sibi vicinia redditurus sit, ne haberet tristitiam  
 super tristitiam, non incredulitatis metu, sed de-  
 siderio charitatis. Quânto magis tu, & avuncu-  
 lus, & Episcopus: hoc est, in carne & in spiritu pa-  
 ter, doles abesse viscera tua, & quasi à te divulsa  
 suspiras? sed obsecro, ut modum adhibeas in do-  
 lore, memor illius sententia: **Næ Quid Ni-  
 mis.** Obligatoque parumper vulnere, audias  
 laudes ejus, cujus semper virtute lætatus es. Nec  
 doleas, quod talem amiseris: sed gaudeas, quod  
 talem habueris. Et sicut hi, qui in brevi tabella  
 terrarum situs pingunt, ita in parvo isto volumine  
 cernas adumbrata, non expressa signa virtutum,  
 suscipiasque à nobis non vires, sed volunta-  
 tem.

Scio

na ca-  
pienda.

Pf. 47.

Ioan. II.

Christus  
& Paulus  
mortuos de-  
flect.

Phil. 1.

Phil. 2.

Scio, quod nolueris amorem in te civitatis probare, & affectum patriæ magis quæsisse in prosperis. Sed huiusmodi officium in bonis iudicium est, in malis gratius. Iota hunc civitatis, quæ ta planxit Italia, corpus terra suscepit: ante Christo reddita est. Tu nepotem quærebas. Tu ecclesia sacerdotem. Præcessit te successor tuus. Quod tu eras, ille post te iudicio omnium meretur. Atque ita ex una domo duplex pontificatus egressa est dignitas: dum in altero gratulatus est, quod tenuerit: in altero moror quod rapuerit, ne teneret. Platonis sententia est, omnem sapientiam vitam, meditationem esse mortis. Laudant hoc philosophi, & in cœlum usque ferunt. Sed multò fortius Apostolus: Quotidie, inquit, morior per vestram gloriam. Aliud est enim cenari, aliud agere: aliud vivere moriturum, aliud mori victurum. Ille moriturus ex gloria est: ille moriturus semper ad gloriam. Debemus igitur & nos animo præmeditari, quod aliquando futurum est, & quod velimus nolimus; abesse longum non potest. Nam si non gentos vitæ excederemus annos, ut ante diluvium vivebat humanum genus, & Mathusalem nobis tempora donarentur, tamen nihil esset præterita longitudo, quæ esse desisset. Etenim inter eum, qui decem vixit annos, & eum, qui mille, postquam idem vitæ finis advennerit, & irrecusabilis mortis necessitas, transitum omne tantumdem est: nisi quod senex magis onustus peccatorum fasce proficiscitur. Opus est, ut quæque dies miseris mortalibus ævi præter fugit, subeunt morbi, tristi que senectus. Et labere

*NAVIVS.* & dura rapit inclementia mortis, Navius Po

*Pita sapientis.*

*2. Cor. 13.*

*Gen. 5.*

Pati, inquit, necesse est multa mortalem mala. Unde & Niobam, quia multum fleverit, in lapidem & ceteras bestias commutatam fixit antiquitas, Et Hesiodus natales hominum plangens, gaudet in funere. Prudenterque Ennius: Plebes, ait, in hoc Regi antè stat. ludo: licet lacrymare plebi, Regi honestè non licet. Ut Regi, sic Episcopo, imò minus Episcopo, quàm Regi. Ille enim in nolentibus præest, hic volentibus: ille terrore subjicit, hic servituti donatur: ille corpora custodit ad mortem, hic animas servat ad vitam. In te oculi omnium diriguntur: domus tua & conversatio quasi in specula constituta, magistra est publica disciplina: qui quid feceris, id sibi omnes faciendum putant. Cave ne committas, quod aut qui reprehendere volunt, dignè lacerassi videantur: aut qui imitari, cogantur delinquere. Vince quando potes, imò pluriquam potes, mollitiem animi tui: & ubertim fluentes lacrymas reprime. Ne grandis pietas in nepotem apud incredulas mentes, desperatio putetur in Deum. Considerans est tibi quasi absens, non quasi mortuus, ut illum expectare, non amisisse videaris. Verùm quid ego medens dolori? quem jam reor & tempore, & ratione sedatum, ac non potius replico tibi vicinas Regum miseras, & nostri temporis calamitates, ut non tam plangendus sit, qui hanc luce cænerit, quàm gratulandum ei, qui de tantis malis evaserit? Constantius Arianae fautor hæreseos, dum contra inimicum paratur, & concitus fertur ad pugnam, in Mopsi viculo moriens, magno dolore hosti reliquit impetum. Julianus proditor

*Neobam**Hesiodus.**Ennius.**Episcopo-  
rum ma-  
nus.**Mors Cæ-  
sarum mis-  
seratus.*

○

ani-



animæ suæ, & Christiani jugulator exercitus  
 Christum sensit in Media, quem primùm in Galia  
 denegarat: diuinque Romanos propagare  
*Jovinianus.* fines, perdidit propagatos. Jovinianus quidem  
 tantùm Imperialibus bonis, scetore prunarum  
 focatus interijt, ostendens omnibus quid sit  
*Valentinianus.* magna potentia. Valentinianus vaitato genitro  
 solo, & in patriam derelinquens, vomit  
 sanguinis extinctus est. Hujus germanus Valens  
*Valens.* Gotthico bello victus in Thracia, eundem locum  
*Gratianus.* & mortis habuit, & sepulchri. Gratianus  
 exercitu suo proditus, & ab obvijs urbibus  
 receptus, ludibrio hosti fuit, cruentæque mor-  
 vestigia parietes tui Lugdine testantur. Adole-  
*Valens.* scens Valentinianus & penè puer, post fugam  
*adole-* post recuperatum multo sanguine Imperium  
*scens.* haud procul ab urbe fraternæ mortis conscia  
 catus est, & cadaver exanime suspendio infame  
 tum. Quid loquar de Procopio, Maximo, Euge-  
 nio? qui utique dum rerum potirentur, terron-  
 gentibus erant. Omnes capti stererunt ante ora  
 victorum: & (quod potentissimis quondam  
 ferrimum est) prius ignominia servitutis, quam  
 hostili mucrone confossi sunt. Dicat aliquis: Re-  
 gum talis conditio est, feruntque summos fulge-  
 ra montes. Ad privatas veniam dignitates: nec  
 de his loquar, qui biennium excedunt. Atque  
 cæteros præmittam, sufficit nobis trium nup-  
*Magi-* consularium diversos exitus scribere. Abundantius  
*stratus* egens Pivunte exultat. Ruffini caput  
*sapè mi-* Constantinopolim gestatum est, & abscissa manu  
*ser: &* dextera, ad dedecus insatiabilis avaritiæ: ostiat  
*abjcti.*

stipem mendicavit. Timasius præcipitatus re-  
 pente de altissimo dignitatis gradu, evasisse se  
 putat, quod Absa vivit inglorius. Non calamita-  
 tes miserorum, sed fragilem humanæ conditionis  
 narro statum. Horret animus temporum nostro-  
 rum ruinas persequi. Viginti & eo amplius anni  
 sunt, quod inter Constantinopolim & Alpes Ju-  
 lias quotidie Romanus sanguis effunditur. Schy-  
 thiam, Thraciam, Macedoniam, Dardaniam, Da-  
 ciam, Thessalonicam, Achaiam, Epiros, Dalma-  
 tiam, cunctasque Pannonias, Gottus, Sarmata,  
 Quadus, Alanus, Huni, Vandali, Marcomanni  
 vastant, trahunt, rapiunt. Quot matronæ, quot  
 virgines Dei, & ingenua nobiliaque corpora, his  
 belluis fuere ludibrio? Capti Episcopi, interfecti  
 Presbyteri, & diversorum officia Clericorum:  
 SUBVERSÆ Ecclesiæ, ad altaria Christi stabu-  
 lari equi. Martyrum effossæ reliquæ. Ubique lu-  
 gus, ubique gemitus, & plurima mortis imago.  
 Romanus orbis ruit: & tamen cervix nostra ere-  
 cta non flectitur. Quid putas nunc animi habere  
 Corinthios, Athenienses, Lacedæmonios, Arca-  
 dias, cunctamque Græciam, quibus imperant bar-  
 bari? Et certè paucas urbes nominavi, in quibus  
 olim fuere regna non modica. Immanis ab his  
 malis videbatur Oriens, & tantum nuntijs con-  
 sternatus. Ecce tibi anno præterito ex ultimis  
 Caucasii rupibus immissi, in nos non jam Arabiæ,  
 sed septentrionis lupi, tantas brevi provincias  
 percurrerunt. Quot monasteria capta? Quantæ  
 fluviorum aquæ humano cruore mutatae sunt?  
 Obsessa Antiochia, & urbes reliquæ, quas Hælys,

*Quærenti  
 perturbatio  
 atate  
 Hierony-  
 mi.  
 Quas  
 clades &  
 persecu-  
 tiones su-  
 stinuerit  
 Ecclesia  
 Hierony-  
 mi tem-  
 pore.*

Cylnus, Orontes, Euphratesque præterflunt  
 tracti greges captivorum. Arabia, Phœnice, Pe-  
 lœtina, Ægyptus timore captivæ. Non, mille  
 linguæ centum sint, oraque centum, Ferrea  
 omnia pœnarum percurrere nomina possim. Ne-  
 que enim historiam proposui scribere, sed no-  
 stras breviter flere miseras. Alioquin adhuc me-  
 ritò explicanda, & Thucydides, & Salustius  
 sint. FOELIX Nepotianus, qui hæc non videt,  
 fœlix qui hæc non audit. Nos miseri, qui aut pati-  
 mur, aut patientes fratres nostros tanta perspicimus.  
 Et tamen vivere volumus, eosque qui  
 carent, flendos potius quàm beatos putamus.

*Mandus  
 iratum  
 Deum nõ  
 agnoscat.*

Olim offensum sentimus, nec placamus Deum.  
 Nostri peccatis barbari fortes sunt. Nostri ve-  
 tij Romanus superatur exercitus: & quasi nos  
 hæc sufficerent cladibus, plus penè bella civilia  
 quàm hostilis mucro consumpsit. Miseri Israe-  
 lita, ad quorum comparisonem Nabuchodonosor  
 servus describitur. Infœlices nos, qui tantum  
 spericemus Deo, ut per rabiem barbarorum

*4. Reg. 19  
 Exempla  
 se ad Deũ  
 verè con-  
 verten-  
 tum &  
 vincen-  
 tum.*

in nos ira defa viat. Ezechias agit pœnitentiam  
 & centum octoginta quinque millia Assyriorum  
 ab uno Angelo unâ nocte deleta sunt. Josaphat  
 laudes Domini concinebat, & Dominus prola-  
 dante superabat. Moyses contra Amalech non  
 gladio sed oratione pugnavit. Si erigi volumus,  
 prosternamur. Prò pudor: & stolidi usque ad  
 credulitatem mens fugit. Romanus exercitus

*2. Pa. 20.  
 Exod. 17.*

tor orbis & Dominus ab his vincitur, hos par-  
 horum terretur aspectu, qui ingredi non valent.  
 Qui si terram tetigerint, se mortuos arbitrantur  
 &



non intelligimus Prophetarum voces : Fugient *Job 23.*  
 mille uno persequente ? Nec amputamus causas  
 morbi, ut mortibus pariter auferatur : statimque  
 cernamus sagittas \* pilis, tiaras galeis, caballos \* telis.  
 equis cedere. Excessimus consolandi modum, &  
 dum unius mortem flere prohibemus, totius or-  
 bis mortuos planximus. Xerxes ille Rex poten- *Xerxes.*  
 tissimus, qui subvertit montes, maria constravit,  
 cum de sublimi loco infinitam hominum multitu-  
 dinem & innumerabilem vidisset exercitum: fletu  
 se dicitur, quod post centum annos nullus eo-  
 rum, quos tunc cernebat, superfuturus esset. O *De hu-*  
 si possemus in talem ascendere speculam, de qua *mane vi-*  
 universam terram sub nostris pedibus cerneret *te flagra-*  
 mus : jam tibi ostenderem totius orbis ruinas : *litate &*  
 gentes gentibus, & regnis regna collisa: alios tor- *calami-*  
 queri, alios necari, alios absorberi fluctibus, alios *tate.*  
 ad servitutem trahi : hic nuptias, ibi planctum :  
 illos nati, istos mori : alios affluere divitijs, alios  
 mendicare : & non Xerxis tantum exercitum, sed  
 totius mundi homines, qui nunc vivunt, in brevi  
 spatio defuturos. Vincitur sermo rei magnitudi-  
 ne, & minus est omne quod dicimus. Redeamus  
 igitur ad nos, & quasi e caelo descendentes, pauli-  
 per nostra videamus Sentis- ne obsecro te, quan-  
 do infans, quando puer, quando juvenis, quando  
 robustæ ætatis, quando senex factus sis ? Quoti-  
 die morimur ? quotidie commutamur : & tamen  
 æternos nos esse credimus. Hoc ipsum quasi di-  
 cto, quod scribitur, quod relego, quod emendo, de  
 vita mea tollitur. Quot puncta notarij, tot meo-  
 rum damna sunt temporum. Scribimus atque re-

scribimus, transeunt maria epistolæ, & scindunt  
fulcum carinâ, per singulos fluctus ætatis nostræ  
momenta minuuntur. Solum habemus lucra

*Charitas* quod Christi nobis amore sociamur. *Charitas*  
*virtus* patiens est, benigna est, charitas non zelatur, non  
*2. Cor. 13.* agit perperam, non inflatur, omnia sustinet, omnia  
omnia credit, omnia sperat, omnia patitur. Charitas  
nunquam excidit. Hæc semper vivit in corde: ob hanc  
Nepotianus noster absens præsentis est, & per tanta  
terrarum spatia divisos utraq; complectitur manu.  
Habemus mutua obsequia charitatis. Jungamur spiritu,  
stringamur affectu & fortitudinem mentis, quam beatus  
Papa Chromatius ostendit in dormitione Germani, non  
imitemur in filio. Illum nostra pagella decantat,  
illum cunctæ literæ sonent. Quem corpore non  
valemus, recordatione teneamus: & cum quo loqui  
non possumus, de eo loqui nunquam desinamus.

